



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 83. Saxoniae Elector a Ferdinandi II. Cæsaris partibus.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Sæc. XVII. marunt, eo quod hi vicissim Cæsaris
 A. C. 1620. auctoritatem reveriti, non quidem ei-
 dem opem tulissent, neutri tamen parti
 adhæsisserunt.

§. LXXXIII.

*Saxonice Elector a Ferdinandi II.
Cæsaris partibus.*

*Lotich. rer.
 Germ. l. 6.
 cap. 3.
 Lond. acta
 publ. l. 5.
 Piafeci.
 chron. gest.
 p. 325.
 Diarium
 Anass. p. 22.*

Jam die sexta Mensis Julii Ferdinan-
 dus II. Imperator datis Vienna lite-
 ris missoque Hohenzollerano Comite
 Joannem Georgium Saxonice Electro-
 rem sollicitabat, ut exercitu in aciem
 educto Bohemos, ceterosque Cæsareæ
 Majestati rebelles ad officium compel-
 leret: ne vero Elector in Religionis Lu-
 theranæ odium, vel Austriacæ Domus
 incrementum hanc expeditionem su-
 ceptam fuisse, suspicari posset, Cæsar
 interposita fide rursus contestabatur,
 quod obedientes, fidelesque subditi
 omnes, nequidem exclusis Hussitis, li-
 bere Majestatis literis, Augustanæ Con-
 fessionis usu, & pristinis privilegiis
 juxta Religionis transactionem, pro-
 missa, pacta & decreta frui & uti pos-
 sent: Insuper Electoratum Saxonice
 Domui a Carolo V. collatum adversus
 Vinarienses Duces Electori confirma-
 bat, ejusque juri in Juliensem ditio-
 nem se suffragaturum pollicebatur. Igi-
 tur

tur Elector de caussæ, qua Imperator Sæc. XVII.
 niteretur, æquitate convictus, Bohe- A. C. 1620.
 miæ Regnum, annexasque Provincias
 armis suis Cæsari reddere decrevit;
 ne autem vel alienæ dominationis cu-
 piditate, vel in Protestantes invidia
 ductus videretur, Cæsaris literas, qui-
 bus hanc expeditionem non ultro, sed
 Imperatoris jussu suscepisse diceretur,
 sibi tradi postulabat; his vero concessis
 Elector per Comitem Hochenzollera-
 num Bavarix Duci die octava Augusti
 nuntiari jussit, quod cum duodecim
 peditum, & tribus Equitum millibus
 die decima sexta Augusti in Lusatiam,
 eaque subjugata in Bohemiam movere
 decreverit: die autem vigesima nona
 ejusdem Mensis ex eodem Bavaro Du-
 ce sciscitabatur, quem Bohemix cir-
 culum ipse Dux primo aggredi vellet,
 cui responsum, primo urgendos esse Bo-
 hemos, qui in inferiore Austria Hornæ,
 Egenburgi, & Ratzi, castra posuissent.
 Perspecta Electoris voluntate Cæsar da-
 tis ad Albertum Belgii Principem, &
 Bavarix Ducem literis die prima Julii
 utrumque stimulabat, ut expeditionem
 maturarent, eoquod timendum esset,
 ne Saxonix Elector copias suas in aciem
 educere cunctaretur, nisi prius per Spi-
 nolam & Bavaros gradus quasi, & adi-
 tus ad ulteriora jactus esset: eapropter

ma quinta Augusti ad Mauritium Hassiæ Landgravium, quinta die Septembris ad Christianum Udalricum Brunsvicenfium Ducem, & paulopost ad Fridericum itidem Brunsvici Ducem, & Coburgensem, Eysenacensem, aliosque literas dedit, quibus bellico suo, ac Spinolæ apparatu nequaquam Religionem, vel pacis profanæ pacta peti, nec ulli molestiam illatum iri affirmabat, dummodo Cæsaris copiæ hostiliter non invadantur, nec rebellibus auxilium feratur.

Sæc. XVII.
A. C. 1620.

§. LXXXIV.

Saxonix Electoris expeditio in Lusatiam.

Igitur Joannes Georgius Saxonix Elector Cæsari obtemperaturus, ex arce sua montana, cui Stolpæ nomen, motis signis, exercitum suum, pro necessitudine rerum, instructum ad fines Lusatix Superioris eduxit. Quoniam vero Lusatix Proceres ob homagium Palatino præstitum eadem cum ceteris rebellibus Provinciis Cæsareæ proscriptionis lege tenerentur, hujusque poenæ executio Electori demandata esset, hinc die vigesima sexta Augusti oblata prius Cæsaris clementia Lusatios ad obsequium precibus & minis reducere ni-

*Bellus laur.
Austr. l. 4.
Lotich. l. c.
Everhard
Wassenberg.
comm. de
bello Ferd. II.*